

山、子焕、周瀛士、劳玉磋<sup>嘉兴人</sup>同茗。朱小山来，强招到妓楼饮，初更时散，下榻小山家，并识其同乡郑某某。缪稚循来吾寓不晤。

### 初六日乙酉。晴。

小山处早餐后，访徐雨之，同其族叔号月川者到夷肆照象。复返宝顺饭后，候上海道黄荷汀不晤。返寓，燕山、子焕、劳玉磋皆在，少坐，复答访周贡甫，又访袁桐君不晤，又访彦匏，晤之。返寓，见壬叔、衣谷皆在，同衣谷到孝拱处，二鼓后归。

《书序辨伪》一卷，孝拱作，百篇。《书序》朱子言其伪，以为周秦间氏手人作。孝拱又言其在《史记》后，以其序书皆依托《史记》，《史记》所无者，往往不成辞。历举疏证之殊，精严可喜。

### 初七日丙戌。阴。

候黄鹤汀观察，芳，长沙人，南坡之弟，七年识之。不晤。到大营见吾兄，少坐。进谒中丞，并晤黄昌期提军、郭筠仙观察、徐少岩太守、刘听襄太史，又识刘仲良太史，秉璋，庐州人，庚申翰林。因同饭。饭后同吾兄访吴稚枫通守，并晤邵莘卿，又到筠翁处与黄提军、刘太史久谭。黄言水师现有三百馀舟，皆免桅，往往河窄不容。见刘霞仙方伯致筠仙书，言蜀事甚悉，贼尚占江津、綦江一带。所用兵楚军之外，尚有黔勇，糈项亦甚艰绌云云。又在吾兄处谭良久，下午返城。再候黄观察久谭，傍晚到寓。曹柳桥来不晤，陈吟阁<sup>宜兴人，其尊人陈若木</sup>。来访不晤。

### 初八日丁亥。晴。

黄荷汀观察来答候。访孝拱不晤。到南门外答候刘日心。返寓饭后，同健甫出北门，偕燕山、衣谷、子焕、戴缦笙、<sup>嘉兴人，子焕妻兄</sup>何瑟如、<sup>山西灵石县人，庐江知县，闻其人有文武才</sup>〔何梅〕屋诸人茗。茗散，同燕山购扇子。夜到孝拱处，同衣谷、燕山、子吕留其家饭后归，衣谷榻吾处。刘日心来不晤。

### 初九日戊子。晴，下午阴。

周丹文来访。保绪先生孙。访子明，并晤徐雨之，取来照象。赴